

四庫全書

集部

欽定四庫全書

集部

元詩選二集卷十六

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣李煥霞

欽定四庫全書

元詩選二集卷十六

庶吉士顧嗣立編

丁處士復

復字仲容天台人負詩名延祐初游京師公卿
奇其才與浦城楊載清江范梈同薦入館閣復
度當國者不能用不俟報可翩然去之迺絕黃
河憩梁楚過雲夢窺沅湘陟廬阜浮大江而下
遂家金陵買宅於城北南戶故有兩檜樹醉則

倚樹而呶唔因自名其什曰雙檜亭詩歿後其
壻饒介之門人李謹之先後編輯共得若干首
永嘉李孝光曰國初以來臨海為詩數十家其
什曰閨風樗園山南天逸素心聖泉其後又有
張子先陳剛中楊景羲皆自樹一家足以名世
復讀仲容詩令人欲飛皆已絕去生獐獐蹙精
悍猶之宛馬不蹠不齧不愛而日行千里衆馬
雖十駕不能超也中山李桓曰仲容學博才敏

為詩精麗奇偉格超而趣遠深入古人閫奧上
元楊翱曰仲容詩必因酒而作引觴揮毫若不
經意而語率高絕蓋仲容曾次夷曠生平有隱
君子之趣而以酒自託故當時論詩者亦以太
白方之

瀛海篇贈呂鍊師

我本瀛海人飢落九州土三山不得歸六鼇竟何所凝
精耿宵寐往往呼安期跂余紫霞想感此白日馳一作遲

客有金庭

一作陵

仙玉霄住雲月近從爵溪來霜紈卷溟

渤褰衣拂天姥跣踞青芙蓉羲和擢僵指夜寒咎六龍

金烏飛上天露草忽已晞奈何祕靈境

一作景

忍使一作此

人民非朝褰四明霞夕涉會稽道鄭弘招不來賀監亦

已老胥濤吼奔雷逆折生回風鸞乘桂子府鶴語梅花

宮清湖自歌舞顏髮凋青紅壺丹碧光瀉劒影洞庭水

霜落山橘寒還過

一作至

吳王里吳王酒不醒館娃骨已

冰迺爾憶張果亦復尋茅盈玉妃發春哂手折雙瓊花

寄贈兩

一作語雙

女兒

一作兒

相逢學丹砂翩然不肯留浪迹

金陵市長歌六帝秋嫋嫋聞夢耳青裾曳明月問我丹

井南揮手綠雲表語別愁何堪往年去天台藥草逕香

滿彼之溪上人泣向西風斷瓊臺天上遙銀橋霧中

一作

井沒葛陂一丈竹

一作露杖行

鱗鬣生倏忽颺車劃雷迹

一作近

輪轅不相將尺地不可縮况茲道路長故人衡湖居舊

約赤城下緣厓履靈迹弄瀑漱清瀉今聞綰漢綬好作

常州牧興公賦金聲名山阻高躅東行即相討自稱回

道人榴皮醉香墨曉過東林春海圖慎勿視但恐馳其
神

甘雨昨日足

甘雨昨日足今日宣不游文漪散清沼綠樹未驚秋步
出西郭門浩浩江漢流危檣隘川浦乃有遠人舟江租
赴海漕驚沙無定漚號呼走羣吏肉食懷鄙謀及時不
歸耕卒歲何用周悄悄綠髮子還家多白頭為農極凋
瘵猶用苦誅求

東海有蟠桃

東海有蟠桃結根何歲年
花開不關春霜露不繫天仙
種固靈異未知樹所緣
我欲往問之代無絕世賢
適來王母至遂奉武皇筵
驕主好自誕後來信謂然
愚者諒多惑智者當不傳

竹山

離離鳳食幹
縣互亘脩巒
君子懷靜儀
虛貞媚蒼寒
靈厓發潛穎
崇苞閔幽盤
筮鄰從蔣詡
永結求羊歡

同縣尹張志道徵士黃觀復陰秀才燕集六縣校官
葉仲庸池上分韻已而互相為和三首

分得碧字

江水秋未清林暉午能碧相忘散亂坐幸老談笑劇以
君久寒氊且爾暫暖席同心勿辭飲況有陶彭澤

次韻殿字

堂堂瓊林客藉藉金鑾殿一官巖州最再調淮縣見

謂張

也張以兩科授黃巖州人生逐日老世事浮雲變亦有
判再授淮東六合縣尹

古宮臺淒涼入荒甸

次韻下字

王日不注官從天得長假年衰豈能高老坐不許下新
秋席為展欲夕尊未罷誰揮魯陽戈請駐羲和駕

次韻鄭復初錄事秋夜三首

漫漫秋夜長時蟲號四壁出門天宇高仰見河漢白在
世亦有道胡乃自偪側寸心寧中居萬物終我役雞鳴
夢茫茫不知誰舜跖

涼涼秋夜深白

一作時

露重衣志士不在飽詎復懷饑

饑啼姑怨衰藁煥景淒已微屈子從遺則宋玉有餘悲

馴致諒以道爾亦安爾為

寥寥秋夜高時物得其心榮華無終玩衰悴遞相尋微
月流西極東溟足幽陰客為哀商奏弦促憂思深揮置
各就寐已亡人與琴

題鏡開亭

方池開淨鏡湛水涵虛象空明納朝陽承塵澹清漾豈

以感物故至靜含動狀還將觀物心宴坐池亭上

贈耕民樊秀才

溪南得新雨微萌浮綠垌晨及聊負耒初旭破高冥慈
特遲鳴犢小策揮柔青角端帶春泥亦復挂一經迴緣
即竟畝取讀輒為停池塘稻白芽感時含帝靈嘉種在
良播吾生安得寧苗長重耘耨况恐生蠹螟

送張志可侍父之奉化幕官二十首用杜少陵萬
壑樹聲滿千厓秋氣高浮舟出郡郭別酒寄江濤

為韻錄十

涼日在原野西風動林壑州城界溟渤淹淑互參錯良
牧徵自今窮俗慮非昨采采老萊衣婉婉夫容幕

遐邦博桑溼往往仙所館海近天易寒山多日如短度
巷青霧深開軒白雲滿故家富積書徃借手自纂

山中士有道置屋上縣厓坐嘯鐘竽合行隨鹿豕偕葺
衣牽葛藟煮飯拾松釵見說幕官好問郎時出街

高月滿席光多露襲裳氣朱船蓮葉芳赤纜柳根豎起

為清夜吟遠有太古意南飛雙白翎沙頭故無睡

羣公集清澣出祖發江艘碧色瀉空宇望來秋氣高為
子諒有道在世豈徒勞尊親況未艾微霜瞻二毛

生人俱幃載舉世異沈浮客厭翟公第妻憎季子裘割
席有高義多金無鄙謀如逢魯連子一笑璧空投

涯居面沮洳瀕路轉磽礧巖精徹夜語海怪有時出塗
人相如鬼天使香禮佛陶公五十畝便可盡種秫

四明古名區天台接旁郡幽居無俗家靈苗長仙菌海

底日見浴峰頭天可問有方即請遊山輿窄如舂

谿橋長入邨海舶不到郭山花香滿籠江蛭脆堪斫朝
登白玉盤莫獻黃金杓取釀石中寒水甘酒不惡

民厚靜開戶官清深見江酒行山客幾花發野鶯雙冷
署霜生座高眠月滿窗而翁在城府自謂鹿門龐

送周士德還北

東風吹花繞白門南人送客開綠尊綠尊空盡客當發
白門惜別花無言周郎挾書南州讀濯髮春江水如綠

功名早年一唾手鄉里老人皆刮目巍巍廊廟急需材
明日辟書天上來鳳皇翩翩下千仞羽翼五采江南臺
南竹有實梧有樹歸飛即向岡頭去霜風一肅天地春
鬱作雲雷散霖雨老夫偕屋鄰僧房門前蓬蒿十丈長
目力苦短耳力彊喜聞斯世登虞唐

題畫馬為方遠上人賦

上人超世資脫然了無為猶有愛馬癖或比道林支天
馬由來出天池西大宛國乃有之房星寫神孕龍縉雄

志倜儻精權奇飛行滅沒雷莫追空塵留煙不得窺月
氏之軼那敢騎漢武遠慕穆天子欲躋昆侖游具茨遣
使先開玉關道鳳頸虎翼初就羈王良造父死已久當
時不知馭者誰唐人為馬置馬監奚官果是何物兒况
復教之作馬舞跪拜起伏取笑娛伏仗能鳴輒引去俛
首低摧青絡絲欲從駑駘服轅下局促動遭箠策施非
徒喪志失天性病骨瘦柴如宛錐所以韓幹為畫肉不
忍神駿成凋羸大漠茫茫天作屋饑餓飽臥驕且馳蒲

梢肅颺輕風度
苜蓿參差新雨滋
胡為束縛對廝養
長嘶無聲情內悲
我豈伯樂知馬者
意與馬類傷馬時
自從眼前見此卷
把軸起坐斂更披
上人之意無乃爾
笑絕長題畫馬詩

醉歌贈雲心子

一作贈
卜者

陸華之

雲心子陸農師之子
孫老來賣卜錢
唐門搜玄抉微擘
混淪進退五緯扶
兩輪皤父及芒兒
束手就律呂不敢
差毫分前身定是
張博望老樹倒騎
上昆侖投杼機上

女飲牛河畔人與之細說天地根却來人世三千歲君
平朽骨呼不聞功名富貴無足云祇談禍福開盲昏得
錢沽酒和天吞赤城有狂客十年江海看浪翻歸來黃

塵

闕

拭目驚見君抵掌一長笑各拂頭上巾別時綠髮

滴可染祇今雪繭纒吳盆少者忽已老老

一作長

者不復

存政須日日醉倒湖邊尊尊已倒還再沽不愁黃金盡
但恐清旦無舉手招義和低頭喚天吳勸爾勿東逝止
爾毋西徂西徂不可止東逝無窮已囑付酒家兒明當

復來此

題百馬圖為南郭誠之作

一馬百馬等馬爾百馬一馬勢態異龍眠老李意脫神
代北宛西無不至樓蘭失國龜茲墟玉門無關但空址
蒲萄逐月入中華苜蓿如雲覆平地始皇長城一萬里
漠雨平添窟中水將軍昔有李貳師尺箠長驅萬騏驎
當時無乃或爾遺畝草翻沙縱眠戲就中驍黠嚙與踉
或示仁柔奔且逝循坡屹立意度閒下首當膺若多智

昂頭振鬣彼者雄似恐世間無猛士輪臺詔下不更求
蕃使往來知禮義不徒嫁女事烏孫祇以金繒相贈遺
茫然圉牧不知誰牝牡驪黃交乳字世有伯樂不願逢
御若王良空善技汗血溝珠胡爾為無能妄並駑駘視
唐家太平有天子開元天寶周四紀是時天下政無事
深宮每欲妃子喜教之舞數政如此漁陽鼙鼓動地起
祿兒見慣亦有以可憐零落四十匹後來值得田承嗣
送孟久夫遷內臺掾

陽鳥本是日中物下來古柏棲冰霜南枝不如北枝好
北枝近日揚清光揚清光散朝彩鳴鳳高岡久相待天
涯亦有鴻鵠羣莫使冥飛向雲海

寶鴨曲

銅池織風翠波躍睡足暖煙饑不啞重簾未厭雲水姿
華屋清深寄閒絕生味剥花紅錦翅枯咽半濕薔薇水
寶燈夜縣瑠璃光恍若澹在滄浪裏方筵慢舞得嬌嬈
指痕膩染羅紋細就中恐有絕纓人誤識韓郎衣上氣

古聞舄化之言豈虛語願學飛仙作雙去

題劉堯輔觀瀑圖

劉侯校書天祿閣向人輒作山水畫長巒老樹翠蓋敲

轉瀑崩厓

一作巖

練花瀉玄冠白袍問子誰豪梁漆園避

一作忘

世者京師塵起碧於雲炎洲瘴來疾如射揮毫定

憶龍河上挾飏久睨匡廬下

送李光大之海北憲司書吏

我聞之嶽之黃山秀之聚三十六峰比如敵支而散去

不可數周環紆餘蛟鳳舞瘠之為石天所斧真宰重惜
保其故仙者不得開洞府李君乃生貌清古殷彝周鼎
冰雪貯而有錦繡之肺腑丈夫用世當不負他年抱策
上京去蓬萊宮深隔煙霧弱水三萬不可度祭酒先生
纔見取慷慨登樓念鄉土奉檄南歸大江潏古木陰陰
覆韋布御史殷勤再三顧叩之使言見平素小却黃堂
掌書簿溷泥塗塞中路白璧自持終不污前年妖墓
月更吐天下秋風吹桂樹炳豹文章墮羣瞽八月錢唐

潮亦怒竟無愠色向人前但道命邪多謬誤行臺二十四松廳衆更奇之交愛護百鳥啾啾徒下處一鶚空中肆高舉憲司十道虞有罟紀綱庶政祛殘蠹三在炎荒鼎而柱五羊八桂窮險阻綦分南北海為部民黎雜居性豺虎俗嗜相殘鰥負弩濱水而採名蜚戶一從孟嘗去合浦珠不更還遠無賈臺官擇人如善估以君政似王夷甫長干置家坐空窰遣佐繡衣蘇病苦君今此行入共許還珠奚翅瞻三語夷齊有心當弗沮君其勗諸

報明主道命之行澤施溥萬鍾之賜安厥予

題句容趙氏松磎堂

愛客趙公子春登松磎堂展席翳長蔭臨流進餘觴陽
漪動五色天聲散幽篁無謂山笛詠此樂殊未央

按上元楊翮松磎堂記云縣之南而西五里岡巒盤
逶融結為山氏曰秦復有水駛其下環秀拱奇若與
配焉者志曰是秦淮之源所經也趙氏漢章居其間
負山距水構為新堂名之曰松磎合山水之勝言之也

題秋江晚渡圖

白雲在青山紅葉爛無數亦有冬青枝長松共如故茅

堂當樹間江光澹凝素扁舟不可呼誰令汝來暮

月灣釣者歌

月灣釣者天與閒長日釣魚明月灣黃昏坐到月上山
天低月高人未還月圓在天半在水明月灣頭人所喜
先生月灣家密邇坐釣明月那可已波神起笑弄明月
月滿波心魚撥刺柔緝搖月寒餌沒爛月錦鱗魚上出
得魚叩月喚鄰家煮魚和月吞香霞舉杯月來金滿花
酒光蕩一作漾月天無涯杯痕倒瀉月入腹月興惱人清

不足杯空仰天月照目顧影翻憐月孤獨夜深月冷霜
滿天勸月不飲月乃延置杯餽月坐月前月謂汝飲天
之緣呼童就月即更酌月故憐人月不落月在憂來無
處著但恐尊空月相却豈不知曹老瞞明月可掇憂無
端豈不聞嚴家灘漢月不滿羊裘寒非熊辭月就西伯
夜夜渭川空月白不如明月灣頭客釣月取魚賒酒喫
忽自笑把酒問月者何如古人今人月在諸金尊照月
長不虛胡為捉月騎鯨魚青溪好月連江湖迴環九曲

月若鋪我今亦願為月灣釣者徒磯頭展席為月沽酒
後耳熱醉舞明月歌鳴鳴

題息齋竹為袁仲芳賦

息齋老仙不可呼封君千戶渭川都綠雲旌纛翡翠跗
眼中萬个森相扶澄波縣影倒玉壺飛煙澹拂闕如無

當時可人商德符仁皇邸西作浮圖不喜神駿遊八極
復愛勝絕羅寰區素壁不得畫神鬼亦不得用金朱塗
但令水墨寫河嶽蒼松赤檜盤根株此君政爾在所娛

臣衍筆妙生須臾往往袖手立商側口雖不語心胡盧
商也蓄機致李劬積疊壑谷空其餘一朝清風吹鶴車
電繞左右龍徐趨指點謂此何所須古來豐鎬王者居
渭水東來是為墟羣流如輞土膏腴地產宜竹連沮洳
衍應補之臣弗如一時京都傳盛事走方年少途為迂
空塵成雲下步驅明明柯幹照鬢須綠色不媿竹與俱
老客江南搔雪顙見此祗復增長吁何當喚起二大夫

題稚川山水

江光如空山在天好風佳日散晴煙綠陰成蓋屋樹連
野橋楊柳亦娟娟擔簦之子何促速况有荷杖當我前
茅堂獨坐豈待客或者傲兀忘流年又疑浣花溪上叟
索句未得掩兩肘對樹不語胡為然將非得詩不得酒
好客不來兩何有耐可有酒有客無詩篇出門諒不可
天地烏用我乃不使之老為農耕種南山田陶公秫熟
五十畝往往為酒愁無錢不如兩漁翁靜釣春江船有
時掣得十尺魚紫鱗耀日錦色鮮賣魚買酒自可醉仰

歌明月披蓑眠金陵美酒斗十千老客抱甕雙檣邊長
日渴吻流無涎六代江山眼中好六帝池臺沒荒草五
錦驄嘶滿道歸來輒向蓬萊島蓬萊島海上仙凝波倒
影髮正玄百年未信人能老大笑長呼羅稚川

贈杜一元

廬陵奇勝獨未識夢去夜踏霞五色仙人手掉金芙蓉
倒向西州笑相擲秦淮水上天影低水底喔喔啼天雞
明朝怪事即走覓劉郎捉手水門西眉間黃氣浹面耳

稱好不休談杜子梁鴻孟光病不理抱枕十年今日起
清晨把鏡整綠鬟自道更作來人間巾箱黃雀毛羽健
為我快致雙玉環杜子胸中置六籍江日如年閒禹稷
傳家況有軒岐閱展手活人非我職六一先生空有文
平園綠草秋紛紛文山頸血久寒碧舉目但送春空雲
詩聲往往脫祖骨霜氣橫空飄俊鶻并州健兒快馬駝
握槊沙場縱驅突韓休市隱聊復嬉下馬每受臺官知
得錢買酒喚明月相與飲者同襟期不作東風吹杏樹

祇有春香滿行路遼東老鶴未歸家
乞藥時煩桂旁兔
劉郎喜事良可書苦吟倚徹兩檣株
庭前采采三鳳雛
陰德信有茲其符

題煙波雲樹圖為楊元清賦

江鄉自是多煙雲綠波青樹渺不分
小檐大棟隔兩濱
黑健如蟻人如蟲布帆西來飽風色
寒聲動地秋紛紛
黃蘆白荻搖斷渚坐客回頭聽急雨
孤篷遙遙半鍼許
健刺沙灣逆風去亦知家在前邨住
百年即合老為農

六十江湖禿鬢翁而今借宅六帝宮
眼花霧落天濛濛
夢魂不到潯陽浦為人愁水更愁風

題錢舜舉青馬圖

青馬自是天騏驎奚官引出羈絡新
垂頭緩行意態馴
綠髮不動空無塵聖人不肯事東巡
千日志莫信
賴有吳興為寫真

扶桑行送銛仲剛東歸

日出扶桑根日上扶桑頂
海色秋茫茫天光何萬頃
扶

桑日東出若木日西落日出天始明扶桑人不惡扶桑
有國自鴻荒有國有人天性良亦復有君臣棟宇垂衣
裳自古國有主不知何姓氏聞自周中王世嗣相傳宗
揖讓至今惟一姓不識有興亡君君臣臣父父子子至
道之綱何弛何張且吾聞之扶桑之國人寧殺不受辱
豈不謂死亦何短生亦何長身在義所恥身死義不忘
皇元發仁被六合海服遠來貢大舶凌廣洋陳辭極懇
款器物盡精緻黃金鑄甲白日光大珠徑寸夜發芒利

刀截鐵斷兩旁水玉拾海底湛澈團天漿奇才妙識不
及數一一具獻無詭藏上者國有使下者通販商年年
以為常奈何漢中葉獨用桑弘羊內府無錢媿張武大
官小吏貪如狼懷金辱明主穢德腥外邦彼豈侮大國
顧敢為猖狂夜半海水赤南風無回檣十年不遣使東
天遂裂長鯨奮怒火熾揚波濤洶生海中不寧上人何
年來瞳人正碧髮未蒼詞句所發如衆妙香自言讀書
在扶桑慕法五天竺十七來錢唐十八姑蘇住浩歌濯

滄浪問劒虎丘石挂席楓橋霜古臺吟鳳去新寺訪龍
翔振衣香爐顛洗盃三石梁天上歸來虞闕老留之廿
日埽室置禪牀笑謂門生及兒子海國有此圭與璋一
一作歌送彷彿扶桑之故鄉珊瑚樹底龍所宮照之五
色雲錦章龍兒護惜不得睡中天夜掉紫玉幢意用慰
此遙相望往年上人去我在雪上不得見前年上人歸
我方僦宅園中央日夕還往雙檜下列榻坐受南薰涼
寫詩不記首把酒無數觴苧袍浮霜踏月色夜未及鼓



猶攜將雙檜先生不及仕抱甕灌園而已矣有家何曾
隔海水有路未即還鄉里園芎二畝差可擬菜本作羹
播其子日日月月逝莫止朝朝莫莫聊爾耳此非天運
固如此扶桑之國邈東溟子其懷歸子所應天之所在
子無能方今天子聖且明子能有道玉帛徵林泉之家
從所營子子孫孫無盡燈子國君臣家父兄一日聞之
千載名子母扶桑歸聽我歌此扶桑行

題長江萬里圖

天不限南北人方樂耕漁承平百年日慷慨萬里圖恍
然舊遊地浩蕩清興發放船白帝城下秋載酒黃牛峽
中月明發古夷陵為訪姜詩井披蓊冒脩筒寒花汲空
冷湍流激柔櫓峻下荆門灘荒藤漢景廟落日還登攀
霞沈宜都驛夜宿松滋渡水色瑤光縣星粲無數荆
南亦坂郢章華猶故臺壞堤明斷鏃團沙如粟堆雨休
雲夢澤天空洞庭水曹瞞敗軍處殘灰餘故壘仙人白
雲表招手為我留待網嘉魚穴銜華黃鶴樓醉來思襴

衡憤起叱黃祖不見人間來鳳皇何用筵前賦鸚鵡磯
頭若蹲虎江流多怒聲客枕不成寐已在潯陽城飛瀑
瀉銀河匡廬倚天碧遙憶義熙人黃花空好色黃陵二
女廟小姑江上頭舟人問風水幾日到揚州月色過馬
當長風沙在眼鴈投秋浦雲鴉啼戍樓晚蕪湖水東注
逆磯無回波兩山隔江潯倒浸雙青蛾抵掌女媧石浩
然歌白紵太真然犀真自愚謫仙騎鯨竟何去黃須天
子七寶鞭曾挂當塗道邊樹一百二十里樹色連長干

豪將多反覆都邑無時安金蓮曉步滅玉樹朝歌闌千
載空舊迹令人起長歎天運開昌期地險亦何有年年
江上春東風入楊柳往來白下亭日夕金陵酒隸船出金
焦越賈行松維况聞巴人婦半是吳女兒我生亦何幸
白首無亂離所願億萬年永永長如斯

金陵奉餞趙公子

去疾

理問侍平章魯公

世延

入蜀歸

秦次韻龍翔大中二十韻

平章向三峽公子奉雙親祖帳聯裾盛官船發櫂新屋

墩誰較謝宮井自餘陳劔閣當西極刀州遠北辰魯公
加上爵趙氏存名臣死節褒賢嗣生榮溢老身朝廷懷
蹇蹇韋布佩諄諄及去相違後其來接見頻渚風開鷁
尾江日湧龍鱗夾岸觀如堵中流望若神埋金陵樹遠
濯錦水花勻前纛仍踰隴先墳宛在秦布颺知到日繡
斧拜新春亦有羅貔虎無非聚鳳麟川將天作限山入
海為濱從騎遙思棧安車緩度輪晨調珍翠釜夕侍安
文茵雛弄娛依坐雞鳴服伺鄰所期長壽考莫或後嘉

賓儻有星迴使唯應日問人

次夏允中禁體雪詩六十韻

衾夜生孤擁樓更死屢撾墨雲常黯黯絲雨先鬢鬖半
醒身何所全迷意罔涯露眠當莽蒼風泊在蒹葭誤起
平行地訛聽亂撒沙羣愁搖始覺衆怪語流沙慢卷爭
成片棠霑祗見些尺深良可待寸測即頻加熾炭肌還
栗張燈眼暈花闔明和月澹學舞逐風斜在臘時能應
祈年歲必嘉競投窗內隙密糝砌旁窪尾亞攢槍竹肪

分破刃瓜恍疑行朔幕只訝失胡笳
膾有開罌貯渾無
樹屏遮廊飄黏畫翠庖炊濕炊粳靜凝檐頭髓清垂瓦
口牙迴溝填小曲側巷積微衰夕氣干牛斗
鄴城塵鏤
錦暖融團腐草晴綴嵌空槎易化行人路偏多隱者家
池心堅莫日山脊晃晨霞馬齒沈虛履羊腸阻峻車荒
藜喧餓雀垂蔓抱僵蛇縮頸牛如蝟拳毛馬盡騶自須
澄潔淨誰敢訾疵瑕公子添重錦夫人儼副珈聚行蘆
簇鴈作隊野屯鴉鬢縷搔驚似髯珠貫暫呀淵宮裁斷

織閨服帽初鑿晉女吟稱謝唐人賦憶义大田將有穀
沃壤早宜麻久睨俛牆色寧論在土芽舞娥臨月桂才
士縱天葩朽壓傷頽架長支惜偃色梅封新蓓蕾薪爨
濕杈枒京落多豪富長安有狹邪埽開交擁篲戲聚互
推爬帶泣張魚笱凌晨沒兔置臥來窮就捉跳出捷從
杈乾食何煎迫萍齏漫咄嗟跣趨哀蹶躄志肆笑矜夸
數戰肩踰竦頻訶指更接脣呼吟蟋蟀足跌伏蝦蟇嬾
出從嘲鼈甘貧任處蝸市春窮也糴鄰醯薄猶賒

送秦元之赴太禧同僉

君家好兄弟聖主自知之周爵推秦仲虞官舉伯夷萬
方天浩蕩五采鳳歲蕤宣室虛前席蒼生屬論思

金陵送人還武昌

相送白鷺洲因思黃鶴樓遙觀禹

一作鄂

土蹟重起禰生

愁西上不可得東關曾獨留江吞趙佗石歲月但空流

題程先生西行集後

程年七十餘歸蜀改葬父母

峽東水如箭巴行船上天亂離葉葬後衰老秭歸

地名

手把西行集心追北上年東風故山淚落日灑江煙大德

丙午旱明年浙東饑僕因北上茲有感焉

登高分得疊嶂

遠近不可數澹濃渾自成人煙諸崦隔鳥道半空橫日夕黃微映江寒碧倒生憑高共臨眺憶得在宣城

送李御史

南臺鐵冠舊西府繡衣新吏部冰霜曉皇家雨露春三苗蠻作俗八桂嶺為鄰虞帝猶遺廟殷勤薦渚蘋

送楊友直赴刑部主事

少昊煩司幕先生自此升九重趨玉陛一騎發金陵邊
靜龍堆月河清馬頰冰徒慙太平日江海老無能

送谷經歷之淮西憲幕

淝水綠逶迤淝山青陸離江天清共遠沙鳥白相宜百
鍊精一作真金在孤忠聖主知幕蓮非久地臺柏有高枝

送賈西伯

西風苜蓿花南客又移家此道寧無用吾生未有涯峰

青宜霧日潮白逆江沙猶憶南樓夜吹簫度歲華

輓許覃峰

號松雲

失訪松雲隱哀吟薤露歌前朝諸老盡浮世百年過山
水高情足詩書遠澤多何曾入城府秦鑿自寒波

送張克讓

秋花白露芹鄉郡萬山雲官冷難為滿囊空政喜聞灘
船牽月上嶺路入閩分有客來書辟青霄記鴈羣

送王伯庸赴石埭校官

先生官已冷縣僻冷於官坐席嵐歸潤琴壇月過寒奇
峰花作朶幽瀨玉為湍所喜無迎送高吟寄碧瀾

賦孺子亭送心上人還洪

東漢久無國南州猶有亭虛楹過日白老樹入湖青歲
晚送僧去天寒行獨經搔頭雙檜側余髮故星星

送李景初試吏淮陽便養

讀書初試吏捧檄且娛親當代推經濟何人獨隱淪河
兼淮海遠雪滿渚城春里舍多凋瘵周旋及撫循

送客

馬帳朋方集麟經講未殘
幡然懷故里誰此障狂瀾
黃卷秋繁短青瓊夜榻寒
好將池草句題與惠連看

題山莊晚霽圖為楊元清賦

野居豈不好况是晚晴初
草閣邛邛樹溪船箇箇漁
松應宿鳥行李尚騎驢
老託西園灌鄉愁賴酒除

郭生生子

歌愛誇頭玉憐應過掌珠
河東真小鳳冀北定名駒
英

物須啼看先生要醉扶老夫無重大折簡便堪呼

送人省親

子仕親亦喜子歸親更懼江湖片帆遠風雨一羶寒沙
鳥行秋渚江豚拜午湍莫看松桂色容易厭時官

題李息齋枯木竹石圖

霜柯洞庭寒露葉渭川冷幽人美清夜獨寫秋燈影

題牧牛圖

邈爾三尺童御此兩轂轂春風笠底回前邨燒痕綠

題宣和畫卷

澹意夫容外閒情翡翠邊波翻太液水分送向南船

送僧還洪

颿開建業水上豫章臺許令蛟腥起滕王雨色來

飲酒

北闕諸公貴東門幾客還撇來缸面酒攜坐一作上屋頭

山

贈孟通

孟通朔方彥領薦過昇州花發瓊林苑題詩向上一作頭

送吳景賢赴廣東二首

秋浦同為客金陵祇得君天風復戲我吹作嶺南雲
隱之千載後共喜逯孫來為酌廉泉水殷勤寄鳳臺

送楊文質侍父之西臺

御史乘驄西入關郎君曉服擁欄珊東風柳色寒猶淺
南國桃花春未殷後騎送官過白下前驅衛士負黃間
州城獬廌峩冠度里社雞豚衣繡還問膳早朝河畔驛

舉鞭遙識陝中山道塗來往增加額父老歡迎各解顏
渭水東流連二漢蜀都南去帶諸蠻秦中兵饑仍凋瘵
劍外人風更阻艱勤讀古書探要眇與論時政及餘閒
他年先後聽周魯迭拜螭頭最上班

壽龍翔長老訢笑隱

玄雨高秋集九龍東天震旦主諸峰青蛻座踞黃金築
紫鳳書銜白玉封賜到屢鳴官寺鼓召歸兼聽御樓鐘
雄文獨步專三氏大法全提正五宗筵擁方來無數衆

倉分鄰住有餘春詩留杜甫頻茶碗社許陶潛更酒鍾
涼夜熱眠貪夢蝶清朝苦思因吟蛩曇華世界慚吾晚
桂子天香喜氣濃住世幾何論小劫陳詩再拜謝疎慵
隨班作客應長席歸醉從兒且小節

新寺和張仲舉兼次韻

天宮兜率下崔嵬結綺交疏面面開地勢周圍龍虎國
鐘聲疏應鳳皇臺鼎湖仙去秋遺劍笠澤僧歸夜渡杯
千騎巡街羣樂動五雲深處御香來

鴈門送楊仲弘姪士耕歸龍泉

伯也未入玉堂日我亦忝薦金闥名三千里外嗟淪落
二十年餘異死生猶子初從鴈門見故鄉能作龍泉行
腸斷東門別小阮索詩相送若為情

趙君澤母一百七歲

南康校官致仕日北堂夫人長壽身一百歲後又七歲
千萬人中無一作能幾人王母蛾眉曾不老諸孫鶴髮但

重新桐川之水東到海海上桃花

一作蟠桃

樹樹春

送陳子英縣尹之崇仁

江迴彭蠡天與碧路入臨川山復蒼令尹先為武進縣
弦歌況逢君子鄉黃禽雙啼白日靜綠草自動春風香
巾車數問虞夫子未慙元亮在柴桑

越州景德寺鏡清方丈題醉先

宋僧名也

岳麓圖

鏡清方丈見岳麓堂虛只尺行江潭樹木連雲厓

一作巖

影濕樓臺隔日水氣

一作聲

酣皇英雙騎龍上下蒼梧九

點天東南道人得我千古意復遣老夢登嘔嵌

送唐長卿赴常州教授

三茅斷作湖嶼碧常州昇州猶比鄰山君化鶴去問客
水鳥銜魚來獻人釀酒未嫌官舍冷開倉長恐士家貧
絕嗟一槩鳴琴地杏花閉門消却春

題觀海圖為張晉賢作

自古十洲三島勝幾時一釣六鼇連千年王母蟠桃實
五百童兒採藥船日出早看金柱湧天空只儼玉壺懸
乘查欲接張公子直到牽牛織女邊

題方壺子天台圖送曹士安省親還上清

仙人飈車竟獨往我家天台不得還六一作七十江上老

為客半夜一作夜半夢中無數山雲飛舍下兩白髮桃熟溪

頭雙綠鬟

元音本中四句倒轉

更煩爾祖方壺子寫我與君劉阮

間

送廉公子北歸

策勛際盛皇元世賜姓為廉舊相家江上行逢瑤圃樹
天邊歸泛玉河查黃封蠟水人人酒白下春風處處花

誰謂王孫慰離別
踟躕芳草獨興嗟

次韻答惠長老

棄為狂士幸相容
敢向明時歎不逢
明月近人閒傍水
白雲邀客更登峰
百年耳厭咸陽犬
千載神交劔浦龍
車馬滿街門映燭
夢魂初熟蔣陵鐘

九月一日遊昭亭

在宣州

山色江光帶近郊
道旁楊柳舞寒條
半生九日黃花酒
多在西風白下橋
千里客遊仍暮景
異鄉人事又今朝

老來未遣登臨嬾盡醉東家綠玉瓢

寄謝子木

秦贅誰徵夢午年漢官倉氏豈淹賢荒涼秋浦時時酒
彷彿番江夜夜船湖海客身皆莫齒家山兒輩等春拳
何時與和歸來賦白石

謝住家

黃沙

丁住家

未有田

送公子特穆爾入京

龍沙公子五雲思鶯語皇州二月時苜蓿土融鞭節上
蓬萊春近佩聲移承恩賜坐黃金褥獻壽親擎白玉卮

馬上偶看鴻鴈過簫中吹與鳳皇知

送南臺掾史劉孟琛陪治書順昌朝賀

上帝南郊法駕親
憲臣北道傳車新
冰霜隨路關河曉
雨露垂天海嶽春
千里渥洼從驥子
九重閭闔候雞人
晁旒再拜三呼日
玉帛交橫萬國賓

寄黃宗師

飈輪峰頭鶴下空
華陽洞口百花紅
長林藥草無人識
上界蓬萊有路通
爛醉前年春作客
頻憐今日老成翁

卷十六
丹砂不遣來城市故著題詩寄葛洪

送僧遊廬山

廬山東南山水多石梁顛倒挂銀河仙燈夜半天人

一作

神落佛屋春深海客過五老芙蓉還好在陶公楊柳定
如何布帆又起江湖興應道西風動薜蘿

送萬容長老歸故山

長記題詩送萬容喜看飛錫下諸峰笙吹緱嶺仍騎鶴
劍出豐城又化龍山氣含霜飄夕磬溪聲和月瀉寒春

何如官寺聽車馬空伴黃塵起斷鐘

送僧歸番陽

護龍客賦紫芝歌飯牛翁如白石何山頭桃熟不歸去
秋深葉落忽已多舟行夾岸轉青嶂風定滿湖皆白波
記得康郎洲下住月明如海看漁蓑

送由上人游金華兼簡信上人

金華東日挂清曉玉樹西風吹晚秋皇郎羊化青山石
帝子龍飛白下州二阮同居番佛寺雙溪獨坐野人舟

茶餘儻問西園檜翠色依然映白頭

寄題金鵝泉石軒

金鵝泉石有深趣黃鶴仙人曾獨來
厓雨溜雲青玉瀉海天澄日碧蓮
開山翁宴坐秋簾靜野客倦游溪
櫂迴幽徑依然生藥草他年從此
入天台

題王元章梅

三年不見王徵士一見梅花如見人
風致山陰頻夢夜雪晴江上又逢
春毫端只作尋常寫意度真同造化
神

聞道邪溪新買宅想栽千樹作比鄰

送清涼寺友上人歸永嘉

江心舊作野客宿石頭今逢開士歸
半夜落潮隨櫂發十年殘夢逐雲飛
相看接手話鄉里獨老忍淚霑裳衣
新春亦有還家願會過石室推煙扉

次韻噩無夢樵用堂吳中倡和佳什

二客當時共泊舟何人清夜獨垂鉤
劉郎爵土方諸將嚴子生涯老一裘
萬里關河空悵望百年江海儘嬉遊

而今豈但忘機甚也得頭顱似白漚

次韻具菴送湛淵上人永嘉省師

早年為客曾遊處今日題詩却送僧
珠箔滅厓看雪瀑寶窗緣塙見天燈
金仙爛漫開銀界玉女嬋娟倚翠層
禮罷阿師窮勝討諸峰歷歷漸攀登

送郭筦勾之西臺

南州待著騎驄馬西土今須聽鳳皇
風妥浪花清度月秋先關樹早驚霜
汾陽宅畔槐應老泰華峰頭藕正香

願得盡分冰雪片沈疴天下總令嘗

送答彥脩御史調西臺

泰華雲開仙掌明
關門樹冷早霜清
九天丹鳳銜書下
六月青驄擁轡行
南國江山吟總遍
西周人士喜爭迎
鷹鷂鵬鸞高風外
麟趾騶虞美化成

覽勝樓

二水三山帶遠洲
五臺雙闕起高秋
齊梁宮苑依城在
江漢波濤入海流
金刹曉開龍虎國
玉笙宵下鳳皇丘

卷十六
一天灝氣清無際況及此時長倚樓

近仁臺郎見示樊左司在南臺時憶昨五首柯博
士蘇徵君既為和之天台丁復僑居金陵草莽之
臣也不能悉奎章故事欽覩皇潛飛之盛猶能記
之僭用元韻以寓鼎湖之思云爾

錄二

猶記金陵觀稼遊翠霄深處想瓊樓縱橫未草三千字
縹緲如瞻十二旒祗爾丹心馳魏闕依然白髮老滄洲
翠華不復南巡幸歲歲空來鴻鴈秋

猶記奎章擁紫薇五雲流彩日揚輝已頌玉果開春宴
亦賜金蓮送夜歸俊逸詩篇凌鮑照風流人物動崔徽
還憐杜牧秋娘賦色線寧堪補舜衣

與杜清碧先生四首

武夷山水先生宅山上松聲落醉眠不廢乾坤有清氣
至今巖壑出神仙南陽諸葛吟梁父西蜀揚雄草太玄
聖主如天明日月九重虛席正求賢

先生九曲溪邊住錦里風光太逼真當代如求董狐筆

名家政要杜陵人玉堂金馬頻催詔朱紱銀魚嬾挂身
聞道少微星不夜已知江上有垂綸

五雲絳節下林丘萬里銀槎上斗牛聖代已興周禮樂
大儒宜法魯春秋上林花霧冥冥濕太液恩波浩浩流
清夜夢回高閣遠一蓑煙雨泛漁舟

聖君虛席禮賢初太史濡毫應詔餘沙草總肥金駉裏
宮花時落玉蟾蜍晉朝人物推安石漢代文章識仲舒
成業經綸有如此人生須讀五車書

與李五峰先生

鴈蕩山前結屋牢先生敲枕聽松濤麒麟一出空祥瑞
鳳鳥孤飛惜羽毛漢代文章遷史盛晉時人物謝安高
嬾將白髮供朝綬縱有金魚換酒醪

送僧遊浙東

我家浙東海水西危峰高上起天梯蛇喉尊者秋歸洞
虎背禪師夜過溪晚日桃花山更好春風藥草路多迷
何堪相送寒江上短髮頻搔更不齊

題茅山彭道士畫梅花仙子

綠燕棲寒夜不飛
洞天霜淨月流輝
夜深彷彿梅邊臥
起撥青霞染素衣

次韻元宵雨雪

銀燭春光玉雪宵
翠簾歌管思寥寥
羅浮洞裏花如織
誰立寒香背小橋

題江邨小景

野蓬忘世寒窗下
沙管牽兒早餉遲
有客封侯玉門道

綠闌春恨繞花枝

馬德昭席上賦

江上重逢鄒大孃
桃花紅嫩染纖裳
蔓青溪上曾相見
猶記胡麻飯顆香

題李遵道山水

層峰高出雲樹外
飛溜直下天河懸
江南老客腸空斷
舊宅不歸三十年

酒間贈賈西白

思入東風白雨邊
莫雲春樹兩茫然
不因絳灌輕新進
未必長沙識少年

淮上作

昨日水淺雀兒浴
今日能勝萬斛舟
人生有時亦如此
請看秦淮江水流

題美人卷

玉山橫管淚痕光
繡褥雙迴綵鳳皇
百巧心情題不得
九疑雲冷隔三湘

絕句

沙遠晴波淺漾金魚苗初上小如鍼將船載酒江頭飲
水柳千株滿岸陰

題汪伯高梅

兔白寒霜染雪毫綠煙微散月初高野人醉醒羅浮夢
長憶仙娥玉色醪

次韻西湖竹枝歌四首

上塘楊柳下塘陰阿郎

一作儂

愛人不愛金塘水西流

一作



來東入海水深不似阿儂深

柳葉如眉枝似腰贈郎輒挽最長條
條長即與儂心遠不是為儂春態嬌

錢唐潮來兩岸平錢唐潮歸

一作落

江月明錢唐女子新

樓閣夜半吹簫鸞鳳鳴

郎愛捕魚儂織蓑勸郎不必要登科
一家賣魚得食少一官懸魚憂患多

題楚江清曉圖

海色澄明霞欲生
白煙樓閣靜崢嶸
青楓江上船已發
苦竹嶺頭人未行

題危太樸雲林圖

天台萬八千丈
雲林三十六峰
幾載山中獨憶今朝江
上相逢

同永嘉李季和望鍾山聯句

鍾山日在望
匏繫未成往
我本忘世人
誰能久塵鞅

窮猿苟

一作尚

擇木

丁

冥鴻不離網
納叢升斗縻

李

迺此

尺尋枉川江互迢遞丁天地一莽寬霸氣遂終陳李山

名猶姓蔣策羸結幽躋丁拔茹傾勝賞蹊林萬蚪伏李

獐石羣獸仰雨晴虹蜺裂丁雲熱鶴鶴響靈骨瘞浮屠

李癯趺踞方丈陟閣鷹巢危丁闕戶蜂房敞禪林舊稱

一李梵刹新闡兩苾芻化城喻丁獬廌嚴駕上一人斟

小月李七佛築峻壤狻猊睥玉除丁科斗冑銀榜庸超

謝羶葦李媚禱懷肝蠻俗子空卑棲丁至人廓遐想相

期訪龍盤李何如遊鴈宕窗明誦楞嚴丁林昏過魍魎

終然千仞顛

李

極彼九州廣圓龕坐覓心

丁

方具跪合

掌攬秀目顒顒

李

討幽心養養沈繇阻客遊

丁

爽塏令

人獎境虛雲壓闌

李

江遠浪浮漿揮清宜塵尾

丁

翳靜

便鶴氅域分三國鼎

李

淮湊百川輞喜彈青綺冠

丁

倦

曳綠玉杖朝晴竟崎嶇

李

夜夢猶髣髴祝酒遣詩魔

丁

搜句搔技癢深推衆壑宗

李

雄據諸峰長碧眼

一作碧

覽

益遠

丁

白髯

一作白

聯苦強地籟息箕籴

李

天孫遺女紡

金聲調危鐸

丁

石華繡卑礫騎驢約茲後

李

驚猿記疇

曩資罄恐支離丁腹果歸莽蒼間休幼安席李敏奪雲

門棒竹露曉衾濕丁松颺秋髮爽玉樹異風標李珠林

列星朗躡屐去後齒丁早炊囊宿澆弔古重追尋李披

荒增慨慷丁

蘭堂上人之金陵因寄憲府張使君見乾坤清氣

初平牧羊處白石及秋登挂錫月中到禪房雲上層使
君持玉節老客望金陵想見雙溪水先霜早已冰

姑蘇臺

白日初高瓦欲黑姑蘇臺前春拍塞百花綠洲水曲尺
小浪羣吹度游鯽晴煙漲暖野荒荒箇箇西山澹疎碧
海氣東來揚短篷吳兒岸坐長歌發逸興遙將白波去
送目飛鴻倦低翮扁舟甚有五湖思風雨漂搖從所泊
幸逢大國全盛日地極蒼生無裂圻向來時運數更變
河山南北烽火隔人攀巖穴恐不險樂土不居何暇擇
只今城雉多墾鑿麋鹿所游盡桑麥自笑生來但為客
五十有家無土著有酒不作懷抱惡明日日出已非昨

蜀江春曉

蜀江二月桃花春
仙子江頭栽錦雲
牙檣艇子雙蕩槳
蘭葉衝破愁殺人
浣花詩客茅堂小
醉眼看春狎花鳥
柳絮拋風乳燕斜
畫簾卷雨啼鶯曉
蘼蕪草生蘭葉齊
碧流黛石青無泥
鄆筒有酒君莫惜
明日殘紅如雨飛

逢僧話舊

朱雀橋頭白下門
舊遊回首幾人存
令威不返遼東鶴
圓澤難招石上魂
金刹火餘灰未冷
錦囊詩在墨猶溫

南來邂逅逢僧話老淚臨風墮酒尊

題疊山卷

江山老骨歸元亮今古何心兩伯夷
半夜寒增霜院酒一編孤憤雪樓辭

莊節先生韓性

性字明善紹興人其先家安陽宋魏忠獻王琦
其八世祖也性深於先儒性理之說四方學者
受業其門戶外屢無所容前代遺老王應麟俞

浙戴表元輩皆折輩行與交同里與游最密者
唐珏王易簡呂同老皆一時名士每值風日清
美或同挾策于雲門禹穴或共榜舟于邪溪鏡
湖逍遙容與彌日忘返望之者疑其為世外人
也延祐中憲府嘗舉為慈湖書院山長受而不
赴天厯中趙世延以其名上聞後十年門人李
齊為南臺監察御史力舉其行義而性已卒矣
年七十六賜謚莊節先生所著有禮記說四卷

詩音釋一卷書辨疑一卷郡志八卷文集有五
雲漫橐十二卷虞學士集曰君為文優游不迫
而陳義甚高汪洋不窮而立論甚要黃侍講潛
曰先生之文博達雋偉而變化不測人第見其
如奇葩珍木不擇地而發魚龍出沒隱顯後先
以為可喜可愕而莫知夫山之所以高水之所
以深也兩公皆文章大家而罄折先生如此宜
為一時人望所宗也

題水仙圖

洛下風流人人言影亦好况乃蛟宮仙迴立清漢表翠
裙濕涼蟾晴光白如埽坐對冰雪容不受東風老澄江
渺余懷相期拾瑤草

蘭亭

昔人藝芳蘭遺迹越溪上風流晉諸賢好奇極尋訪坐
令後來人弔古更惆悵憶昔初來遊精廬適新剏俛仰
三十年故交獨青嶂今晨天氣佳煙隄繫輕舫相攜得

良朋舉酒互酬倡散策依晴林沿洄俯新漲地偏塵易
遣慮澹情自暢回首昔時遊樂事終不忘誰謂古人遠
千載欣一餉彭殤端齊軌蒙莊諒非妄

曹娥廟歌

承莖橈兮桂舟弭靈旗兮中流望四山兮何所映朝陽
兮上浮玉笋兮瓊珮馭青蛇兮雲之外采杜若兮江皋
芳菲菲兮未沫渾不極兮海門餞多景兮江濱吹參差
兮屢舞馳玉軼兮繽紛雷填填兮拊鼓櫓陰陰兮靈雨

波渺渺兮安流神樂康兮終古

題謝皋羽西臺碑

零陵斷石青如天七星下貫寒蛟泉神訶鬼護萬萬古
中有處士西臺篇臺前月色為君好斷港馳啼蕙花老
酪餅羊炙試招魂一片丹心向晴昊邯鄲枕冷泰山秋
海樹不著人家愁晞髮陽阿向天籟鳳皇作使追靈脩
紫霧黃塵窺下土清都仙人半空語紋楸十九春鬼長
玉雞吐綬闌扶桑

韓左軍馬圖卷

五花雲散紫電光
縈維未許飛龍驤
垂頭欲就圉人飲
渴烏作勢吞銀潢
長安畫史擅筆力
萬里猛氣收毫芒
羽人乘風倦鞍勒
一笑收拾藏巾箱
世人不識真驕驪
顧影尚爾分驪黃
放鶴峰前有遺意
神駿政可誇支郎

題龔翠巖中山出遊圖

是為伯強為謫狂
睢盱鬼伯髯怒張
空山無人日昏黃
迴風陰火隨幽篁
辟邪作字魏迄唐
殿前吹笛行踉蹌

飛來武士藍衣裳夢境胡為在縑緗中山九首彌荒唐
猶可為人被不祥是心畫師誰能量筆端正爾分毫芒
清都紫府昭回光三十六帝參翺翔陰氣慘澹熙春陽
謂君閣筆試兩忘一念徃復如康莊

宛委山

泰山幾千仞翠入蓬萊城城中望山色明暗分陰晴老夫
散策山前路為愛看雲不歸去仰看驚怪鷺飛來回頭
忽見雲生處崦中孤起如炊煙乘風騰上蒼厓巔厓巔宿

雲喜迎接橫空一幅兜羅繡天風吹散銀千縷淡處是
煙濃是雨雲師拗怒不肯回露出峰頭尺來許一雨三
日溪水肥老夫欲歸不成歸雲師知我慘不樂故出小
謔相娛嬉老夫作詩一笑領舉袖收雲散空迴倚松絕
叫山下人仰看雲峰起山頂

東山

遠山倚空青濛濛剡溪白匝來天東天機不卷芳草碧
中有行地雙蟠龍扶藜欲出人間世俯仰明河在平地

長松忽動鶴飛來萬里剛風起
衣袂薔薇開落春復秋
洗屐何人繼清遊凭闌一笑衆山小
遙指雲氣看齊州

陽明洞二首

洞天深宵行客疑
飈輪碧簡誰能稽
倚松長嘯巖壑動
放懷未必今人非
石氣盤空散成霧
檜子無風落青雨
草間欲問苗龍壇
薔荔鱗絡銅虎

蕙草雪消蜂蝶疑
遊子挈榼來何稽
少待山桃綴紅糝
回首已憐春事非
晴風成雲濕成霧
洞天深沈百花雨

山深玉殿鎖碧苔天上通明羅九虎

若邪溪

一川暝色鎖煙蘿蕭灑禪關偈獨過蒼蘊香中詩夢遠
芭蕉葉上雨聲多九重闕下心猶戀二十年前事總訛
畫舫蘭橈待明發若邪溪水夜增波

陽明洞

日日携壺坐釣磯眼看門外軟紅飛已無遊騎尋芳事
却訪幽人入翠微石磴欲青春雨足酒爐初冷絮花稀

悠然自解登臨意十里香風一棹歸

鏡湖

鴉陳連空木葉疎西風衰柳半平蕪湖山照眼長奇麗
不枉千金買畫圖

曹娥江

隔岸檣竿著暮鴉待舟人立渡頭沙數拳頑石生雲氣
一半斜陽有浪花

天香閣

闌干曲曲亂雲封回首爐峰翠幾重上界剛風秋萬頃
銀河開徧碧夫容

集杜句題五馬圖

使君五馬一馬驄聲價欻然來向東飛電流雲絕瀟灑
迴立闔闔生長風肉鬣磊塊連錢動大宛立仗青絲鞵
不須對此成歎嗟古來才大難為用

葛仙井

鳳皇不栖枳天馬肯就閑胡為九淵龍臥此數仞山苟

無風霆威何異蛙蟻繇世網易嬰人有如百尺瀾悠哉
志士懷直欲甦人寰一朝躡浮雲游戲窮玄間寧知天
瓢側不及智井蟠百年撫陳迹老木亦已刊名高雖易
毀志遠終難攀山中白頭僧笑我發浩歎

歌風臺

武帳如星連鉅鹿重瞳誰敢相馳逐劉郎深閉函谷關
坐聽城南新鬼哭赤鱗半月天無光陰陵匹馬虛徬徨
百二山河笑譚取殿前上壽稱明良榆社歸來故廬在

山川不改風光改酒酣自作三侯章兒童拍手聲翻海
君不見帳中悲歌愁美人樂府千載傳授新英雄吐氣
天為窄便肯變滅隨飛塵高臺古碑字盈尺神呵鬼護
蛟龍石四顧銅雀嘆淒涼墮瓦無聲土花碧遠山橫空
暮煙起行客徘徊殊不已當年遺事尚可尋斷雲飛度
香城水

天衣寺

春流雙澗深曉色十峰陰勝地青蓮宇千年靜者心焚

香入空翠鳴磬出幽林去路白雲滿禪宮何處尋

定善寺

開人宴坐時大千入毫髮兩山不受招胡為在吾闥

樵風廟

朝南幕北樵風逕遺廟千年尚乞靈山叟不知如許事
閉門新注相牛經


讀三國志

玉壘浮雲尚慘然興亡自古總由天渭川星殞嗟何早

却遣譙周七十年

題趙子固墨蘭

鏤瓊為佩翠為裳
冷落遊蜂試采香
煙雨館寒春寂寂
不知清夢到沅湘



元詩選二集卷十六